



Sak til politisk orientering: Utleige av gjesteplassar ved Velferdssenteret.

Radøy kommune fekk oversendt ein førespurnad frå Osterøy kommune 5.1.2017, om kjøp av gjesteplassar ved Radøy Velferdssenter. Osterøy kommune ynskjer å inngå avtale med Radøy kommune om kjøp av 2-4 gjesteplassar ved Radøy Velferdssenter.

Radøy Velferdssenter har hatt god kapasitet, ledige sengeplassar, sidan juni 2016. Sjukeheimen har kapasitet til 42 bebuarar, belegget hausten 2016 har vore 29-34 bebuarar. Pr. i dag har sjukeheimen eit belegg på 29 bebuarar. Sjølv om Radøy kommune inngår ein tidsavgrensa avtale om utleige av plassar til Osterøy kommune, er det god kapasitet til å ta i mot innbyggjarar som treng omsorg på sjukeheimsnivå frå eigen kommune.

Radøy Velferdssenter har fagleg dyktige medarbeidarar. Pr. no har vi i overkant med bemanning i forhold til arbeidsoppgåver i institusjonen. Sett opp mot framtidige demografiske utfordringar med auke i tal eldre, så er det viktig for Radøy kommune å behalde den gode fagkompetansen vi har bygd opp over år. Gjennom befolkningsframskriving har vi ein peikepinn på korleis behov for sjukeheimsplassar vil bli dei kommande åra, men desse prognosane er usikre. Vi veit at situasjonen med ledig kapasitet i institusjonen vil snu, men ikkje kor tid. Utleige av plassar for ei avgrensa periode eit hensiktsmessig grep for å oppretthalda den gode kompetansen og vera budd for framtidige utfordringar.

Radøy kommune inngår ein leigeavtale om utleige av 2 gjesteplassar til Osterøy kommune i 3 mnd.